



UNIVERSITÄTS-
BIBLIOTHEK
PADERBORN

**LEGVM PON||TIFICIARVM GRE-||gorij noni, seu
Decretalium pentateu-||chus**

Mesnart, Martin

Parisiis, 1555

x. De ordine cognitionum.

[urn:nbn:de:hbz:466:1-63486](https://nbn-resolving.org/urn:nbn:de:hbz:466:1-63486)

bus ante adscensionem domini ad octauum vsque diem post Pentecostes computantur. Nubtiæ interim, & à septuagesima ad septimum vsque diem post Pentecostes pro consuetudine ecclesiæ, vel secundùm canones vsque ad octauas Paschatis suspenduntur. Sequenti dominico & deinceps licitè celebrantur. Matrimonium tamen consensu interueniente legitimo de præfenti quocunque tempore rectè contrahitur.

De ordine cognitionum. Tit. 10.

Semel autem cæpto iudicio, quo ordine de altercationibus partium cognoscendum fiet, diffinitur.

Coram quo iudice causa erit, ante eam terminatam ne quæ alia dependens ex ea incipiat, videto. vnum negocium diuersis processibus ne intricatur. Iudicii ordo ne confunditur. Qui natalium causam in ecclesiastico foro habebit, donec ea finem habebit, coram laico iudice super successione ab ea dependente si conuenietur, vt expectetur, rectè petito.

Sic & qua exceptione probata principalis quæstio perimetur, ante de ipsa, etiam auctore testes ad suæ intentionis probationem inducente, quàm ad diffinitionis articulum procedatur, cognoscitur. Id, si vindicanti virum mulieri consanguinitas obiicietur, seruatur.

Si restitutionem petenti alia spoliatio in exceptionis modum obiicietur: super hac exceptione primitus probationes admittuntur. ea probata, reus ante restitutionem respondere ne tenetur;

H

De plus petitionibus

Non tamen propterea restitutor. tantum ab agendo sic obiecta spoliatione repellito.

4. *Super
spoliatio-
ne.*

Super alia quaestione reconuenire restitutionem petentem ne permittitor. restitutionis enim petita hoc priuilegium esto: Qui ipsam intentat spoliatoribus ante restitutionem respondere ne cogitor.

Si verò super alia spoliatione reconuentio in actionis modum proposita fiet: mutuae petitiones diuersae sese minimè contingentes censentor. qui prius adpellasit prior agito. quae prius proposita erit prius tractator. In idem iudicium deductae vicissimq; tractatae simul eadem sententia terminantor.

De plus petitionibus. Tit. II.

1. *Consiliū*

Qui actionem intentat, prouidentiae consilio utitor. ut neq; re, neq; causa, neq; loco, neq; tempore plus petat, videto. Cuius in genere, vel sub alternatione debetur, neq; rem in specie, neq; vnum praecise petito. Cui decem debebuntur, viginti ne petito, alioquin aduersario in expensas condemnator. Alibi quam vbi soluere conuenit nemo conuenitor. qui hanc utilitatem ita statuto loco soluendi reo adimet, ipsi ad interesse tenetor. debitum ante diem vel conditionem nemo petito. alioquin reo induciae duplicantor. litem, nisi ei soluantur expensae, excipere ne cogitor. Sic plus petenti importunitas, si super petitione sua in iudicio persistens, punitor.